

Broj: 03-02-78/2022  
Sarajevo, 24.03.2022. godine

**PARLAMENT FEDERACIJE  
BOSNE I HERCEGOVINE**

- Predstavnički dom -  
gosp. Mirsad Zaimović, predsjedavajući

- Dom naroda -  
gosp. Tomislav Martinović, predsjedavajući

Bosna i Hercegovina  
Federacija Bosne i Hercegovine  
**PARLAMENT FEDERACIJE  
SARAJEVO**

Primljeno:	25-03-2022		
Org. jed.	Broj	Priloga	Vrijednost
01,02	- 02 -	320	22

**PREDMET: Veza naš akt broj: 03-02-78/2022 od 03.02.2022. godine**

Poštovani,

U skladu sa članom IV.B.3.7.c) (III) Ustava Federacije BiH, a u vezi sa odredbama čl. 185. i 190. Poslovnika Predstavničkog doma Parlamenta Federacije BiH („Službene novine Federacije BiH“, br. 69/07, 2/08 i 26/20) i čl. 177. i 183. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09 i 24/20), **u prilogu Vam dostavljam AMANDMANE VLADE FEDERACIJE BOSNE I HERCEGOVINE NA PRIJEDLOG ZAKONA O FINANSIJSKOJ KONSOLIDACIJI I RESTRUKTURIRANJU JAVNIH ZDRAVSTVENIH USTANOVA U FEDERACIJI BOSNE I HERCEGOVINE**, koje je utvrdila Vlada Federacije Bosne i Hercegovine na 309. sjednici, održanoj 24.03.2022. godine.

Amandmani Vlade Federacije Bosne i Hercegovine postaju sastavni dio Prijedloga zakona o finansijskoj konsolidaciji i restrukturiranju javnih zdravstvenih ustanova u Federaciji Bosne i Hercegovine, koji sam u parlamentarnu proceduru, radi razmatranja i usvajanja po hitnom postupku, dostavio aktom broj: 03-02-78/2022 od 03.02.2022. godine.

Amandmani se dostavljaju na službenim jezicima i pismima Federacije Bosne i Hercegovine u printanoj i elektronskoj formi (CD).

S poštovanjem,

**PREMIJER**  
Fadil Novalić



Prilog: kao u tekstu na bosanskom jeziku

**Cc: Federalno ministarstvo zdravstva**

Na osnovu člana 73. stav (4) Poslovnika o radu Vlade Federacije Bosne i Hercegovine – Prečišćeni tekst (“Službene novine Federacije BiH”, br. 6/10, 37/10, 62/10, 39/20 i 67/21), Vlada Federacije Bosne i Hercegovine je na 309. sjednici, održanoj 24.03.2022. godine, utvrdila

**AMANDMANE  
NA PRIJEDLOG ZAKONA O FINANSIJSKOJ KONSOLIDACIJI I  
RESTRUKTURIRANJU JAVNIH ZDRAVSTVENIH USTANOVA U FEDERACIJI BOSNE I  
HERCEGOVINE**

**AMANDMAN I.**

U članu 20. stav (3) mijenja se i glasi:

„(3) Vlada Federacije će za implementaciju Programa iz stava (2) ovog člana, izdvojiti 120 miliona KM, na teret Budžeta Federacije Bosne i Hercegovine (u daljem tekstu: Budžet Federacije), a kako slijedi:

- a) Klinički centar Univerziteta u Sarajevu: 30 miliona KM;
- b) Univerzitetski klinički centar Tuzla: 30 miliona KM;
- c) Sveučilišna klinička bolnica Mostar: 60 miliona KM.“

**Obrazloženje:**

Ovim zakonom regulirano je restrukturiranje i finansijska konsolidacija javnih zdravstvenih ustanova u Federaciji BiH, prvenstveno zdravstvenih ustanova čiji je osnivač Federacija Bosne i Hercegovine - klinički centri čiji je osnivač Federacija BiH i jedan ili više kantona zajedno, a u skladu sa članom 53. stav (3) Zakona o zdravstvenoj zaštiti („Službene novine Federacije BiH”, br. 46/10 i 75/13). Parlament Federacije Bosne i Hercegovine je, u svojstvu osnivača, donio i Odluku o preuzimanju osnivačkih prava nad univerzitetsko-kliničkim bolnicama u Federaciji Bosne i Hercegovine („Službene novine Federacije BiH”, broj 67/13). Također, ovim zakonom regulirana je i podrška u procesu restrukturiranja i sanacije u kantonalnim i općim bolnicama. Sredstva za ove namjene osiguravaju se u federalnom budžetu u tri fiskalne godine, na način i pod uvjetima utvrđenim ovim zakonom i propisima donijetim na osnovu ovog zakona. Iznos potrebnih sredstava iz federalnog budžeta reguliran je u članu 20. stav (3) i članu 21. stav (4) ovog Zakona.

Imajući u vidu ograničene mogućnosti federalnog budžeta, pristupilo se izmjeni člana 20. stav (3) Zakona, na način da se umanjuje izdvajanje za 5.000.000 KM kliničkim centrima, te se za isti iznos povećava podrška u procesu restrukturiranja i sanacije u kantonalnim i općim bolnicama, i to konkretno u korist sljedećih bolnica: Županijska bolnica „Dr. Fra Mihovil Sučić“ Livno i JU Opća bolnica „Prim.dr. Abdulah Nakaš“ Sarajevo. Ukupan iznos sredstava koji se sada doznavaaju kliničkim centrima se sa 125 miliona KM umanjuje na 120 miliona KM.